

愚

齋

存

稿

愚齋存稿卷第九十九

電報總補遺目錄

北京總署致張香帥電

香帥致總署電

寄北京柯令鴻年

甯督劉峴帥來電

寄甯督劉峴帥

寄津督王夔帥

甯督劉峴帥來電

寄劉峴帥

愚齋存稿

卷九十九目錄

一

思補樓藏版

寄京柯令鴻年

京總署來電

甯督劉峴帥來電

北京柯令鴻年來電

寄京柯令

寄江督劉峴帥

北京柯令來電

寄北京柯令

寄直督王夔帥

又

寄天津柯令鴻年

甯督劉峴帥來電

上海道蔡和甫來電

寄江督劉峴帥

京總署柏斌來電

寄津督王夔帥

京總署柏斌來電

鄂督張香帥來電

江督劉峴帥來電

鄂督張香帥來電

寄張香帥

京總署致香帥電

又

寄濟南張漢帥

寄滇督崧錫帥

濟南張漢帥來電

直督王夔帥來電

寄直督王夔帥

王夔帥來電

香帥來電

寄湖南陳撫帥寶箴

香帥致總署電

又

寄京總署電

寄京翁韋齋電

寄京胡京兆電

王夔帥來電

寄王夔帥

又

寄湘撫陳右帥

王夔帥來電

江督劉峴帥來電

寄劉峴帥

寄王夔帥

又

江督劉峴帥來電

寄劉峴帥

寄滬朱子文轉王伯敏

寄川督鹿滋帥

直督王夔帥來電

鄂督張香帥來電

寄張香帥

湘撫陳右銘中丞來電

鄂督張香帥來電

寄直督王夔帥

又

寄鄂督張香帥

張香帥來電

又

寄直督王夔帥



寄直督王夔帥鄂督張香帥

寄王夔帥

又

寄武昌惲菴翁

武昌惲菴雲方伯來電

又

寄鄂督張香帥

武昌惲菴翁來電

北京李傅相來電

寄京翁韋齋呈中堂

又

寄武昌惲恭翁

北京李傅相來電

寄李傅相

北京李傅相來電

又

鄂督張香帥來電

寄鄂督張香帥

鄂督張香帥來電

寄張香帥

寄北京李傅相

川督鹿滋帥來電

總署來電

寄王夔帥

鄂督張香帥來電

寄津王夔帥鄂張香帥

寄華盛頓伍秩庸星使

伍星使來電

蘇撫奎樂帥來電

寄新簡川督奎樂帥

寄北京李傅相

寄北京總署

京局馮志先來電

寄北京總署

寄北京馮志先

北京總署來電

寄總署

寄津督榮中堂

寄長沙俞廩帥

津督榮中堂來電

浙撫劉中丞樹堂來電

京總署許大臣景澄來電

津督裕制軍來電

寄津督裕制軍

愚齋存稿卷第九十九

電報總補遺

北京總署致張香帥電

光緒二十一年閏五月二十三日

奉 旨興修鐵路爲方今切要之圖亟應舉辦惟  
責任至重必操守廉潔明幹有爲熟諳情形之員  
方能勝任著張之洞悉心遴選奏保數員以備簡  
用鐵路支幹前據張之洞條奏頗爲詳晰著將由  
京至清江一路作何修造之處再行熟籌具奏欽  
此謹奉聞

香帥致總署電

六月初十日

養庚兩電兩次奉 旨飭保興辦鐵路之員并令將清江一路熟籌具奏查鐵路爲今日要圖富強兼資勢不可緩惟此等大舉必須通籌全局將此路利益何在需費若干幾年告成如何籌款如何發端如何推廣籌有成算始可下手舉辦洞於閏月二十七日有條陳時事一摺內一條專言鐵路計本月半可到京查鐵路以由漢口至盧溝一路爲最要此路四通八達必宜先辦其餘枝路由此而推如此方有綱領有次第若清江一路諸多不便查湖口以上外洋大兵艦不能到若海州距清

江二百餘里毫無險隘離海太近易被敵截弊一  
鄰近輪船運載罕利弊二路之東餘地無多不能  
拓枝路之利弊三鐵路必受運一切深藏難出之  
物然後有利清江運道久通蘊藏鮮少弊四廬漢  
一路目前可用湘煤將來可用晉煤磁州一帶皆  
有煤礦東路距煤鐵出產之區太遠不便資用弊  
五築路以碎石爲第一要料西路沿途皆有東路  
取資頗難弊六一國之內幹路不能多設創始偏  
東則近西幹路不能再舉將來引而加長如南達  
湘粵西達川陝均遠弊七黃河下游遷徙無定弊



八直隸之津南山東之湖路常被水淹路虞沖損  
弊九清江一路仍以天津爲歸宿海口兵衝實不  
穩便弊十幹路旣成自必多作枝路西通潼關東  
通濟南濟甯北通山西南通湘粵由鎮江乘輪至  
漢口止兩三日若專辦東路則無大益此皆詢考  
洋人熟悉鐵路者所言至籌款之法外洋風氣若  
爲辦鐵路借款旣易利息亦輕可卽用鐵路作押  
不必海關作保尤要者鐵路辦法必以勘路繪圖  
爲先宜速募洋工師數人將盧漢一路詳切測勘  
並委員偕往照料估工計費旣定再行舉辦惟此

路必須一年方能勘竣初勘詳實則將來或自辦或包辦皆有成算而且迅速德國鐵路最盛獲利最饒若託外部向鐵路衙門揀派得力官員來華代我測勘尤善至承辦此舉之員必須廉潔無私而又通達時務之員最難其選本日月電奏陳總之此事關係國家大利害定地用人務宜慎之於始近年習氣凡稍知洋務者大率皆營私漁利之徒斷難專任總宜以廉正者爲主持以敏幹者供遣策庶可無弊聞各國洋人紛紛赴京向其公使處營謀承辦鐵路不下數十人此皆只圖謀利

不顧中國全局伏望 朝廷詳加權度萬勿輕允  
其請不勝翹禱洞仰蒙垂詢不敢不竭誠直陳請  
代奏

寄北京柯令鴻年

十一月初七日

頃與法蘭吉面商李中堂要照此間所譯華文照會恐  
不願改且耽誤日期擬由本大臣給函領事爲憑說明  
字面繙譯稍有不同而意思與法文並無訛誤因已會  
咨總署不便更改領事已電比使望兄速往說明勿再  
翻覆

甯督劉峴帥來電

十一月初七日

德據青島近日謠傳甚多尊處必有確信卽祈電示大略爲荷

寄甯督劉峴帥 十一月初七日

今日有電 旨章高元著移紮煙臺而六條不提膠澳甚奇鈞處如有聞亦求電示

寄津督王夔帥 十一月初九日

王繼善稟張家口電工將至懷來綫忽不通據京局電稱京營地面新桿鉤碗擊破甚多應請鈞處轉電總署移知步軍統領衙門仍照津綫章程酌派弁兵分段巡護以重電工除咨行外謹電聞

愚齋存橐

卷九十九

總編

四

思補樓藏板

甯督劉峴來電

十一月十一日

本年徐海各處被水成災先後飭動積穀款並截  
漕三萬石辦理振撫惟各該處本係瘠貧現值災  
荒困苦尤甚自冬及春爲日甚久僅此區區何足  
濟事從前順直蘇皖等處被災曾經義振局協助  
振撫樂施好義欽感同深今徐海各屬災區擬乞  
執事於義振款內撥若干派熟諳之人前往查放  
以助官振之不足俾災民得資全活不勝感禱之  
至

寄劉峴帥

十一月十一日

從前捐存備賑銀拾萬兩原議隨墊隨還而湘賑川賑借用無可歸補徐海災重已電調嚴作霖回來如川賑有剩款當可帶赴徐海或嚴到亦可勸捐各省民窮財盡情形一日不如一日奈何

寄京柯令鴻年

十一月十一日

比使既欲照咨總署特錄其文曰一此借款係專備建造鐵路由京城附近之盧溝橋起以達湖北漢口城之用二此借款除中國國家原有之事權外所有盧漢鐵路及鐵路所生之利均屬擔保直隸湖廣兩總督鐵路督辦大臣除理應按次起息歸還本銀外特將此票

各畫押蓋印此等票中國始終永不收稅並格外需償而給發利息及掣出股票歸還本銀均在某城地方直督湖廣鐵路大臣畫押票背繕寫一恭錄 諭旨二設立借款章程三遞年應還本利數目表以上只候比使與李相商妥李相電到卽照繕發昨電應分之事四字不及原有之事權五字爲妥所改之處只爲文理好在法文不改如比使尙有挑剔務望力爭改就我咨免生枝節德使已派錫樂巴在此候信德與英同爭此事也

京總署來電

十一月十一日

德使接尊電索膠州報費請代達暫行記帳斷不

落空云

甯督劉峴帥來電

十一月十四日

膠案起事甚微現又傷我弁勇民人似可就此了結若再要挾恐難遷就有聞仍求見示

北京柯令鴻年來電

十一月十四日

昨與比使爭去中間大清鐵三字並勸其用李相所改之句頗費力始允從票額橫寫大清國三字乃鴻敷衍之計頃又告其咨文內不敘他執不允憲既云可行可否曲就望速電示

寄京柯令

十一月十五日



上截比使所改字樣只要李相電復允准即可照咨李相兩日不電復想必候比使往商也

寄江督劉峴帥

十一月十五日

接張樵翁電教案條款將有頭緒已電竹使但看德報膠島似有久踞意德報已交志道轉呈聞俄有專使赴京確否徐海事奉鈞電卽調回嚴作霖但欲籌墊非照川鄂振核獎不可有實收否乞示

北京柯令來電

十一月十五日

頃見相諭上截可用費稿至橫寫大清國亦照准已知會比使矣現全咨字字相符再無舛錯李相

比使均有函回遞銷差擬明早行到津寓春元棧  
查招商局輪十六七開懇電津局此船候十七午  
開鴻等必趕得及

寄北京柯令

十一月十五日

接傅相咸電既經柯與比使商定股票文義允卽照辦  
云希速告比使照辦了結卽行出京

寄直督王夔帥

十一月十五日

淞滬德律風事總署已照所議照復美使俟行文到日  
再行酌辦因淞綫接至滬而滬上各洋行仍須歸洋公  
司通綫奉文後尙須與洋公司妥議章程以杜其漸

又十一月十六日

奉望電初六牘已會印發查初六初八兩件比使均因其領事譯錯不允行今日柯鴻年由京到津已飭將傅相與比使核准全文鈔呈鈞處即請會銜繕發惟初六前件必應掣回註銷方免兩歧附寄傅相電乞酌發文曰奉咸電股票文義可即照辦了結已飭柯令到津將核准全文鈔呈夔帥即日會銜咨署惟本月初六所發會咨一件由北洋會印計今日到署此件係照比領事譯文比使既不允行務請將此件封還北洋塗銷以免兩歧乞酌發

寄天津柯令鴻年

十一月十六日

速將校准華文面呈王夔帥即日由津會咨總署如不及見卽交張戟門轉呈勿誤

甯督劉峴帥來電

十一月十六日

徐海事蒙派嚴紳往振感甚現亦奏開振捐奉准後如何核獎當再商辦專使無所聞

上海道蔡和甫來電

十一月十八日

昨據倭總領事面稱倭副將神尾光臣都司尾川重太郎昨晚搭元和赴鄂念二准到謁見帥座面商要公昨午西人密告僉謂德聞英倭聯保東方

商務恐掣其肘是以佯爲議和一俟大隊來華卽行開戰並聞各領事言須防德聲東擊西擬據鎮江諸山砲臺等語雖未必確然不可不防護密聞

寄江督劉峴帥

十一月二十一日

夔帥電六條當有定議已調廕昌進京應是磨勘議結約章傅相電膠澳恐難遽還豈教案結而兵不退乎神尾已見關道只說游歷無他事

京總署柏斌來電

十一月二十二日

相致北洋馬成電頃據俄巴使來言接本國電聞英欲窺伺旅順大連灣已調俄水師提督帶鐵艦

三艘由長崎往旅暫駐二十三必到旅一杜英  
窺伺一催德退膠澳到旅後請令宋提督及船陽  
委員等照料一切俄使實心親密援護絕無他意  
並令兵丁勿上岸求格外機密諭軍民勿驚疑等  
語希轉宋知照並隨時密電總署云

寄津督王夔帥

十一月二十六日

敬電已密呈香帥閱如俄德不相通另案所許兩端似  
可允如德不讓膠俄必不讓旅大聞法欲佔瓊島故關  
係甚大神尾光臣來議武備學生事赴甯後卽回國

京總署柏斌來電

十一月二十六日

宋帥敬電俄三艦昨晨到進澳一隻今晨開出口  
提督船亦泊口外各船主今早均來晤面慶午刻  
前往答拜俄提人尙和藹事或受商云相復以在  
署閱尊電辦理均妥羅使電復密探英無踞大連  
灣意云

鄂督張香帥來電

十一月三十日

尊恙懸念之至已漸愈否何日可惠臨屢函屢電  
均讀悉今晨敝處電奏卽錄稿呈覽熊譚日內當  
可到粵湘漢鐵路須速奏電寄摺稿北洋繕發遲  
則恐爲外人强索矣

江督劉峴帥來電

十二月初六日

膠事日來內外皆無消息德艦將集目前若再無辦法益難收拾尊處有確聞否三十電尊意如何

鄂督張香帥來電

十二月初八日

有重大緊要事欲約鄭蘇龕司馬來鄂相商渠在滬公事並不甚忙請即日發電促其速來感禱候復

寄張香帥

十二月初八日

蘇堪現任學堂譯書鐵路造冊等事既有重要遵即電促來鄂一行熊蔣譚明日進謁已屬先進公呈即據以



具奏蔣卽須赴滬乞與面籌大概再商摺稿膠地租佔並無佳耗

京總署致香帥電

十二月初八日

昨日日矢野使來議漢口租界謂接其外部電中朝允定漢口租界而地方官以鐵路車站無餘地推諉並未先期告知領事疑其不願照辦有失本國體面告以尊處效電五月間已出示曉諭迨十月始接訂立租界照會非議租界後乃定車站地也或照鄂督所說在附近鐵路讓出一百丈與日租界但德國作梗不肯讓此利益未免爲難日使

謂海靖昨已提及我不答應租界各有權利豈能  
攙越告以可由日領事與德領事自行和商彼謂  
仍應由中國主持且嫌百丈地稍短據稱通濟門  
外餘地甚多鐵路足敷布置能否設法通融早定  
日本租界以免違約失信祈與盛京卿妥商酌辦  
再日使索五月間告示一閱望速咨鈔以憑轉達  
又十二月初九日

齊電甫發又接德海使照稱如照日本所請租界  
於德國商務妨礙甚重張總督屢次聲明有與站  
房相連之利倘日界設立中間此利全失查站房

以下有地墟較大亦與站房毗連此地給日本開  
界較妥鐵路及德租界均毫無損壞請按照應許  
之法辦理面無礙如違背應許德國之意必嚴  
爲辯駁等語是否已應許德國車站以下是否地  
墟較大可給日界請飭關道妥與調停商辦具復  
勿任饒舌生事

寄濟南張漢帥

十二月十四日

聞英使電致煙台領事云英人在兗州又被歹民戕害  
等語是否謠言抑或有因乞示

寄滇督崧錫帥

十二月十四日

北洋轉總署電法使函稱思茅至越界電綫料物刻下  
駐越法官可將所需電料付與中國收買惟須將向用  
物色件數並綫之粗細開明以憑備送如欲法員相助  
華員建設越界至思茅電綫亦能照行等語轉電到局  
十一月十五憲電思茅至猛烈已有七八站再由猛烈  
至法界程途多少尙無確數未知勘路委員已有稟報  
否乞將越界至思茅若干里又思茅至通海若干里共  
總約數電示以便酌定物色件數電稟憲台與北洋核  
復再占臣未回是否須法員相助請飭滇局議復

濟南張漢帥來電

十二月十五日

晨間總署電詢已電查兗州聞有口角細故實無  
戕害之事卽如前日德人電稱曹州滋鬧其實毫  
無影響謹電復

直督王夔帥來電

十二月十五日

頃接滇督崧錫帥鹽電云總署元電敬悉思茅至  
越界電綫料物或由越南載運或向駐越法官借  
用請飭盛道酌定如向法官借用應在越南何處  
交收望先電滇以便派員往接至滇省電綫必須  
六七號乃合用已於佳電奉聞法員幫華員設電  
一節似可不必祈復總署等因希查照

寄直督王夔帥

十二月十八日

頃接錫帥洽電云思茅接綫路程委員尙未勘覆大約由思茅至越界計程八百數十里又由思茅至通海計程九百數十里請照此酌定物料件數其綫必須七號請諭洋總管博來便知滇局占臣有電二月初可到滇等因據博來稟占臣已動身正月二十邊可到滬或卽令占臣在滬局配齊料物仍由海道赴越南運滇工程仍歸占臣一手辦理或先令博來開單呈送總署請法國代購代運但錫帥前電似不欲法員幫造確守界限博來云如令占臣造綫責成占臣配料可免推諉應如

何辦法乞核示

王夔帥來電

十二月十九日

滇綫歸占臣一手辦理爲妥湘員此間甚少急切  
難得其人彼此留心可耳

香帥來電

十二月二十一日

致總署電稿必須會銜務請卽刻擬就遣人送來

寄湖南陳撫帥寶箴

十二月二十四日

夔帥電長衡寶三府大荒已由津籌款四萬兩想地廣  
必須寬籌擬設法墊款拾萬兩派義紳嚴作霖前來查  
放但恐杯水車薪可否請擇最重數縣專放義賑並請

迅速將災情地名詳示以便酌定宣因病藉差在滬就醫已稟請開缺矣

香帥致總署電

十二月二十四日

英人消息甚緊不日必有大舉憂憤萬分此時必須早籌應付之法以備臨時抵制參考各洋報及日本人之言大率一借款一索香港對岸之深水埠及舟山一造粵漢鐵路一入長江至鎮江金陵屯兵其四事保商務者飾詞也粵漢鐵路萬不可許現據楚粵三省紳民公呈請合立公司自造已會同電奏在案四事皆甚險毒總署如能一概力



拒至爲深幸倘彼非得不休竊擬有抵制三條爲  
患稍輕而在我亦尙有益一借款練海軍中國無  
海不能立國無海軍卽無海矣中國無長江各省  
立時攪亂英兵屯金陵鎮江中國卽無江矣水師  
惟英最精英若借巨款造戰艦雷艇數十艘船向  
英借益派將弁學生數百人赴英學習船造成我  
將弁亦練成矣募英將如琅威理者統之管帶用  
中國人船上執事參用英人卽與英船在東方者  
各隊操練英旣得造船之利又得多用英人之益  
又得我海軍爲伊東方兵船助勢各國洋報皆因

中國無自強之實故啟瓜分之議今見我大舉經營海軍氣象頓爲一振自可息其狡謀且海面海口可保商務自無礙彼卽不能藉護商之名以入江是中國且藉此舉而自強矣此與借款賠日本不同彼必樂從不致勒索抵押或以西南邊遠地鑛山作押目前船未造成可照英將所言出養船費借英船數艘扼吳淞口外以護商務亦可杜彼藉口入江護商之舉一也一准英借款修山西陝西鐵路卽以此路作抵山西路由正定井陘至太原陝西路由黃河南岸滎澤洛陽沿河入潼關至

西安並准英與華人合開山西煤鐵鑛餘利與我均分洋報屢言英若不在中國得鐵路一條心必不甘山陝之路與我盧漢幹路接不通海口尙無大患彼圖鑛利當易商允英在北省得利彼所尤喜不須另籌抵押而我增此西方枝路兩條益處甚多中國各鑛若無洋人合股代開既無精鑛學之良師又無數百萬之巨本斷不能開出佳鑛煤鐵暢行亦我之利二也一山陝鐵鑛路產英人視之素重必能歆動可抵粵漢但使借款而路由我造如盧漢用比款例卽無他慮其次則准其在雲

南邊地與我合開各鑛滇山險遠中國機器不能  
運入華人自開斷無暢旺之日彼由緬甸鐵路運  
機甚便三也至索地一節或舟山或深水埠舟山  
雖小但聞法國水師訓條英踞舟山法卽踞瓊島  
牽動太多深水埠若屬英則香港北岸陸地與粵  
省接連若能不准英造鐵路較舟山之禍稍緩然  
占地終不如許以他事耳總之英無妄求甚善設  
真如前所傳借款抵釐金則利權失造粵漢路則  
腹心潰入長江則各省震擾踞舟山則法效尤必  
宜峻拒別以他項羈縻全局安危所關較之俄德

禍機尤緊洞非敢越俎妄論特恐英粹然發難彼  
時諸事秘密外省無從聞知敬抒管見預爲上陳  
以備 朝廷採擇此皆抵制下策不過較勝無策  
廟謨深遠自有權衡倘非萬不得已卽所擬三  
條亦不如不允之爲愈且三條亦非必全許也值  
此危局 宵旰憂勞寢食難安不揣冒昧密陳迫  
切惶悚請代奏

又 十二月二十四日

文敬電 諭旨恭悉連橫爲患誠爲可慮中國此  
時豈能遽以力爭且各國作用雖殊皆是趁機謀

我豈敢深信所謂聯者不過設法羈縻免多樹敵耳所謂藉聯倭以聯英者恐英要求太橫可許倭居間婉商減其貪欲凶餒倭實有唇齒之憂深恐中危西強彼亦不保情詞惶急我若託之彼當肯助力勸能解非爲我乃自爲也且彼力言不索酬謝語甚堅明可否由總署往晤日本公使察其意指以備英人發難時居間排解之用似乎有益無損倭將所有深談乃向委員密語洞晤時但以冠冕語答之絲毫未及他事斷不致上勞宸厯惟彼言深悔前年不應與中國戰爭今願我遣人赴

東入各種學堂云云則甚嘉之許之謝其睦誼厚情耳請代奏

寄京總署電

十二月二十七日

二十日到滬比國總工程司約正月初旬可到屆時再督同赴滬漢

寄京翁韋齋電

十二月二十七日

頃聞容閱請辦津鎮鐵路已邀準確否速示

寄京胡京兆電

十二月二十九日

號電謹悉承劃還料價規元十八萬兩已收到其餘欠款除劃抵外卽照准議明年籌還時局愈艱此後辦事

益形棘手未可預料俗所謂做一日和尚撞一日鐘耳  
彼此原諒具有同心宣叩年禧

王夔帥來電

光緒二十二年正月初四日

賑捐統收分解自是扼要之論惟兩湖既開一時  
萬截不住須俟此次事定乘間行之耳佑之肯赴  
湘否或解款而不去人准以十萬爲率而分二三  
成與鄂何如希酌之復賀新禧並叩尊公萬福

寄王夔帥

正月初四日

義賑若不去人則大眾不信無可勸捐歸墊若派人去  
則至少十萬勢難分鄂此兩難也鄂款請飭籌賑局酌



撥如勸捐多餘仍必撥歸津局不分畛域佑之如肯去當囑不見鄂官吳清帥云醴陵瀏陽茶陵安化安仁衡山均重去冬又無雪可慮之至

又 正月十三日

頃奉右帥電開湘省甲午秋至今僅得透雨二次九月雨雪雜糧俱盡災最重者十數州縣箴到任查悉茹草嚙糠者甚眾漸有餓殍而羅掘早空不得已乞援隣省夔帥既兩撥賑銀又荷執事諄勸義紳來湘協賑慨墊款十萬兩高義隆情感篆何極醴陵一縣自去臘開賑先粥後穀極貧災民共三十餘萬每日日給穀三合月

須穀二萬七八千石計至六月早稻登場爲時甚久義紳來湘擬請指賑醴陵全縣然後推及茶攸爲惠大矣惟極盼星速早臨以蘇溝壑謹率百萬災黎百拜以待望復等語嚴紳已到滬准卽墊款十萬徑赴醴陵惟湘災甚重銀賤糧貴只能救十二三萬人必須力籌接濟散勇回湘無食不特恤災爲重可否請飭張道振棗速援晉賑刊印實收蓋用關道關防頭船寄滬再行補稟咨部以便勸捐仰副憲意

寄湘撫陳右帥

正月十五日

前奉夔帥電以憲電辦理賑務教案關係尤重請飭派

湘籍幹員開凍來湘勘路舉辦擬由武昌驛路達長沙接至湘潭除商請先行奏明外希酌量預備再聽續報等語武昌至湘潭驛路多少委員只須帶一工程學生便可勘路是否先勘路再入奏俟奉 旨再籌款舉辦湘籍幹員憲意中如有人乞鈞示

王夔帥來電

正月十九日

頃接滇督電稱思茅綫經費已遵示援照上年騰緬接綫成案電請總署核復俟復到卽奉聞等因又湘省京官來電極感盡籌聞嚴佑翁往尤爲欣忭並稱皖鄂無穀可買託致尊處轉辦佑翁能於

撥款內酌提若干由滬帶米運湘更感云云並以轉達

江督劉峴帥來電

二月初八日

傅相遠行深以爲念啓節後祈執事來甯一敘

寄劉峴帥

二月初九日

學堂書院銀行銀錢鐵路紡織等事均須面陳以備採擇傅相十四上船十五開行

寄王夔帥

二月十一日

聞花農奉諱頃傅相已商懇以子枚委署宣現在整理各局勢難離滬子枚資勞最深洋務亦熟如蒙委署決

不致紛更舊章因同事多年知之最詳用敢冒懇同深感泐

又二月十四日

元電已呈傳相閱過奉諭此次出洋用款必逾尋常既不能寒儉尤不欲多糜公帑正在爲難承雅意體會飭提淮所商局各二萬兩以公濟公俾免掣肘深爲感泐已飭交俄法銀行歸併滙兌命筆道謝上海銀根甚緊可否由局所電致滬關或源豐潤照湘平滙還以歸墊款

江督劉峴帥來電

二月二十一日

並致施少卿

敝省饑荒醴陵尤甚仰蒙鼎力籌撥巨款派嚴佑  
之前往辦賑生死肉骨感何可言惟查江西萍鄉  
與醴陵毗連饑荒情形相似德中丞先後撥銀七  
萬兩交該縣官紳分別撫恤此間亦兩次撥銀八  
萬兩運米前往平糶仍屬杯水車薪敢懇垂慈設  
法添款囑嚴佑之就近兼賑萍邑以慰哀鴻二公  
一視同仁必能俯允所請伏候電復

寄劉峴帥

二月二十二日

施少卿會電

湘賑已派嚴紳前往除宣懷捐銀萬兩外餘皆借墊賑  
捐已成弩末官紳整捐多係徑解本省零星善捐殊難

集腋奉諭兼賑萍鄉咨卽函商嚴紳能否就近辦理此  
間捐款如能踴躍歸墊之外亦必分解以副慈厯

寄滬朱子文轉王伯敏

三月十七日

趙令來電仍復爲難宣奉北洋傳 旨速卽接展打箭

爐電綫並奉川督憲電飭撥料業經電復奏明所有外

洋物料均由總局撥發派員運蜀其撥料價目遵 旨

在存款內抵用由總局徑行開報悉照滇粵成案辦理

敝處已照奉復川中如再詢電價趙儘可照此電復料

有美惡價有高低何難聲明至於運料辦工各事李守

來電請由總局包辦祇因趙令電工熟手故將專運工

程兩事委歸趙令非有私也如趙令在滬另有枝節望  
卽詢明電復宣儘可稟明鹿帥另行派員辦理以免爲  
難盼速復

寄川督鹿滋帥 三月十七日

十五日北洋電諭本日電 旨鹿奏川藏文報遲緩擬  
由成都至打箭爐先接電綫川有十萬存盛宣懷處可  
抵用等語著王文韶傳知該道速卽接展毋誤事機欽  
此希速遵辦望將辦理情形先行電寄等因查外洋料  
物若有委員另向外洋購買不特料物大有高下洋行  
專圖牟利難保靈捷堅久且恐延誤事機自應仍遵憲



台前電卽在上海總局存料內速發七號電綫一千二  
百里鉤碗等八千付精造機器十付以及必需要件派  
員領運並酌給運蜀經費其撥料價目及由滬運蜀經  
費遵在川省存款內抵用由電報總局核實開報其委  
員學生均由職道稟商憲台派委工竣援照滇粵各省  
官綫成案具請奏咨可無遲誤至存款十萬查係興造  
川綫之年借撥存局生息嗣夔帥在滇督任內奉 旨  
接造蒙自至河口官綫以與法綫相接無款可籌奏准  
動撥川省存款二萬兩現存款祇有八萬兩合併聲明  
除電稟北洋奏復外乞賜鈞核

直督王夔帥來電

四月十九日

漢廠報卅萬明日卽片奏袁於局務當無膠轕惟斷手一案恐難無事特愛莫能助耳保商裕國誠哉是言鐵廠改商辦甚是

鄂督張香帥來電

六月初六日

鐵路事劉呂方前已查得均屬虛誕不可靠惟許道屢電粵催託病不來當與王夔帥會電詢外洋昨於初三晨接王夔帥江電云頃接新嘉坡領事張守振勳電復云舊金山未悉南洋並無招股事等語本日又接夔帥歌電云頃接使美楊大臣支

電云卅電悉據金山領事電復二月間美人夾埠  
由華到京自稱許道辦盧漢鐵路代招洋股每股  
百兩查在金華商並未入股等語是許道所招亦  
全是洋股萬不能待其來可卽速奏奏稿內可聲  
明將來如許有華股無多少皆准其附入耳此事  
急須定局務請速將奏稿擬就聞閣下望後北上  
尤望先行擬定見示爲要卽盼電復

寄張香帥

六月初六日

語電藉知新加坡金山均有覆電爲憑惟方培堽在津  
有三百萬驗資之說夔帥謂與呂劉不同未知到鄂察

核如何憲意急須定局遵卽通籌擬辦北上尙未定期

湘撫陳右銘中丞來電

六月初七日

承電示嚴紳剩款四萬儘數留湘放給至感苦竹

寺煤已開辦

鄂督張香帥來電

六月十三日

頃致夔帥電云擬會電倫敦龔星使云弟等奉

旨會辦盧漢鐵路招商事宜數月來查看數商皆

係洋股影射礙難奏辦現擬令津海關盛道妥招

華商茲據盛道稟新加坡領事張振勳來函伊願

來漢口面商鐵路事件張爲南洋華商巨擘張來

則從風而至者必多乞電調回華面籌路事等情  
查鐵路招商關係重要時局如此不可再緩而內  
地華商力微難集鉅款特懇台端准令張領事回  
華商辦想大局所關必蒙迅飭啟行愈速愈感盼  
電復某某同啟云云卽望酌核改定迅速由津電  
致爲荷等語特聞

寄直督王夔帥

六月十五日

朝鮮電綫十一年分奉飭議立合同始終係宣一手經  
理官局向不與聞第二條聲明華電局代借公款十萬  
兩乃可由公司出頭較爲得體頃俄使面告博來初一

北洋咨復總署擬就節略十條經總署轉送俄使內多誤會隔膜未知何人代擬云此事關係電局交涉俄國必有深意正可乘機補救乞賜補行俾抒芻見

又 六月十七日

銑電擬商香帥先就楊使復電陳覆總署步驟甚好所議商辦節略已分寄津鄂華商股分先收二成其餘八成由公司先借洋債分年收股還債但鐵路之利遠而薄銀行之利近而厚華商必欲銀行鐵路並舉方有就緒如銀行歸他人則路股難就聞赫德覬覦銀行此要義似應預電總署除電香帥外乞鈞裁

恩平不彙

卷九十九

三

寄鄂督張香帥

六月二十日

龍州鐵軌前蒙致電蘇宮保如有復電乞示

張香帥來電

六月二十一日

蘇軍門復電云接繩帥電公意囑將籌辦大致及應造軌里式樣電知以便飭廠趕辦現在總署全文已到查閱立定合同鎮關至龍州鐵路歸費務林公司承辦工程由鐵路官局稽查應用之費每月公司呈報數目三箇月照付如有未付之款七釐行息限三年造成如此訂明此次春未得見費務林公司不能遽議統俟後商再行酌定必用漢

廠鋼軌藉塞漏卮以副鈞命並將軌里式樣開送  
乞飭代造戴德實深再議於南關外設棧停頓貨  
物易車進關彼此各用各軌既不混淆亦便稽查  
以副總署諄諄之囑等語特聞

又六月二十一日

鐵路銀行爲今日最大利權人所艷羨者獨任其  
一尙恐眾忌所歸一舉兼營羣喙騰議恐非所宜  
擬分爲兩事俟鐵路定議後再議銀行較爲妥善  
已電夔帥密稱總署如果確有歸赫德之議會電  
阻之矣此說尊處係聞之何人總署已允否事機



緩急章程如何是官款抑商款祈詳復閣下何不  
密電當軸臚陳利害阻之更簡易

寄直督王夔帥

七月十三日

南皮元電云屢電並函均悉三難皆有破法聲望事權  
必當力籌蘇滬廣東亦可請兼辦鄙人與菰耘熟商已  
有妥善辦法閣下所慮者皆可無慮閣下所未慮者亦  
已代籌及矣若不派定如何進京似與大農原議不合  
如有後命何難再爲加增乎洋款歸宿事權實際其中  
緊要情節甚多必須面談始能詳盡妥善免致部駁請  
卽日命駕來鄂詳籌一切並斟酌稿件以便速定寄津

繕發住三日即可行若閣下不來商酌此稿殊費周折  
既延緩且恐疏漏也切盼卽復餘由菘耘電達等語辦  
法已詳前洋款准否須到京籌定扼要在此至事權屬  
不屬在兩帥做主本人豈敢妄參末議事未揭曉似不  
便赴直鄂轉涉嫌疑如有下詢不妨密電往來擬俟菘  
電到照復

寄直督王夔帥鄂督張香帥

八月十八日

昨赴淀園謁各堂恭邸問話甚詳勉以力任其難命俟  
廿一回城後訂期會議頃見高陽謂事宜決斷勿再游  
移高陽言語清楚惟自言眠食步履均不能如常常熟

愈關切愈謹慎定議必不能速宣惟王大臣諮詢所及  
必直抒所見但處處以力不勝任辭以期不負所舉

寄王夔帥

八月十八日

琴川密諭官款可撥而樞戶皆有人拘泥並言銀行亦  
須議辦於我師極融洽乞便函中一提可趁此籌議擬  
以八董出名宣勿與焉

又

八月二十六日

有電謹遵高陽面詢鄂廠究能鍊軌否答云真能可放  
心高陽甚喜但開平五槽將完倭煤太鬆萍煤道遠造  
軌必須兩爐齊開只盼甯鄉成功鹽電請轉右帥如得

復面乞示

寄武昌惲菰翁

九月初八日

琴川查詢清泉願出使否弟不敢答心安函稱長沙至蒲圻界綫四百餘里九十月卽須開辦另電乞代譯速寄蒲圻至武昌驛路若干里須過湖否求查示路事已詳帥稟想必與聞

武昌惲菰雲方伯來電

十月初九日

公事權在握且智慮周密與南皮必能融洽無藉傍人爲力八月間曾告南皮擬卽乞養故此次升浙不能奪其志尊約後必當踐此時則朝量移夕

引退矣冬月望後到滬當握手細譚

又十月初十日

今早南皮傳見將所議銀行事往來各電及夔帥  
電俱交閱并云我係實心愛惜非有意見云銀行  
必須速辦詞氣頗和至路事向來極力推重其意  
急欲觀成必聽公放手辦理毫無隔閡擬臨別時  
再多進調護之語以期日久水乳陽分人固不難  
共事也

寄鄂督張香帥 十月十一日

政府深知菰雲熟悉鄂事調不如留暫無機會植軒尙

須回甯交代再 陛見若欲崧久鄂曷不暫奏留崧感  
知已稍喫虧或亦允

武昌惲崧翁來電

十月十二日

公來與帥事事開誠必可融洽帥亦約鄙人再來  
而曲體烏私卻言明在一兩年後此時並欣然勸  
駕委署亦定人文到卽交卸以養親赴浙忽又以  
參預路事移鄂不可爲人矣公宜諒之一切詳細  
情到滬面談

北京李傅相來電

十月十七日

格羅孚德已復令緩議

寄京翁韋齋呈中堂

十月十五日

海捐十月收九萬餘連八九月存二十七萬准餉係  
月撥路款如撥二十四萬餘撥粵款可成南洋復電如  
何乞示擬卽商同直鄂會奏請領三百萬方能開辦  
又十月十七日

夔帥面商北洋二十四萬必當湊足命宣在津候大部  
電到卽可會同奏請撥領乞將如何議撥之處卽賜一  
電俾免久留至感

寄武昌惲菴翁

十月十七日

右帥來咨長沙至蒲圻四百餘里已勘定卽令開工武

昌至蒲圻若干里乞查示米事前途說定六數決行止  
米價騰貴弟亦不願代人多煩絮但輪價斷難短少

北京李傅相來電

十月十七日

格羅孚德已復令緩議前面談坎拏大木多價不  
昂可作墊道木頃聞寄木樣一箱交津廟望就近  
取出查勘前奏已會議學堂可准常熟云劉學詢  
聞姓案未了不宜允捐造款看丹接路已告雲楣  
似無不可弟何日回滬

寄李傅相

十月十七日

奉篠電木樣即取學堂可准重在出路師宜與常熟共



任此責得人則萬事可成沈稟到否非抑彼不能揚此  
日內如有切實函到或可挽回

北京李傅相來電

十月二十一日

福士達前薦上議院紳華士賓熟悉鐵路辦法約  
定來華頃接電擬中十一月初三由萬庫屋登舟  
來滬已電屬與弟商辦一切屆時可逐細詢商關  
防聞須三月刻出禮部應自託人料理小費

又

十月二十六日

前疏會稿已定學堂部認籌款不用商電局捐項  
部中築室道謀百事難成欲退不得卽須賃宅望

在滬代製傢具開河後寄由花農運交

鄂督張香帥來電

十月二十八日

榮補常少敬賀錫樂巴得尊電遵俟台駕蒞滬時  
來謁惟漢口至黃河立面平面地圖約七十巨幅  
必兩月餘方成此次來時但携新繪總圖五及他  
圖數幅伊言憑總圖及所記日記已可估約價云  
淞至鎮約六十圖在江甯伊自携呈請復尊處特  
爲電達

寄鄂督張香帥

十一月十五日

錫樂巴名爲鐵路參議委員彼此定再派謹當遵照昨

因錫知美工師將到恐其不懌故先稟商予以體面名目安其心耳

鄂督張香帥來電

十一月二十二日

南北鐵路局面宏闊需人必多趙令竹君才長心細熟悉情形確是有用之才已晤面否望於就近委派一事必於公事有益

寄張香帥

十一月二十二日

趙令歷練已深必當設法位置總董仍有乏才之歎謀者紛紛皆屬無用美董日內可到

寄北京李傅相

十一月二十六日

摩賡同礦師到持鈞電來見告以礦若全交英商廷議恐難照准並恐各國執利益同沾之說互相效尤若借西人資力幫助中國開採尚可商酌摩云中朝出面開採賡當代爲籌款雇用礦師先在滬設立開礦公司以賡爲參贊招集華洋股分餘利一半歸官與鐵路相爲維繫必能兩益除問答鈔呈外如華礦不用洋股確難收效然必須操縱在我力杜侵佔方能有利無弊究應如何商辦或令赴京乞鈞示

川督鹿滋帥來電

光緒二十三年二月二十五日

前寄日密本閱申報尊處銀行條議內鑄銀元一

節盡籌周密佩甚敬甚現仿照甯粵各省章程購  
機設廠機器已到滬運川卽開辦將來貴銀行須  
鑄銀元及角子亦望分撥來川代造川省銀色較  
高當嚴飭加意鑄造一俟開鑄卽寄機前來可否  
乞示復

總署來電

三月二十九日

奉 旨蘆漢鐵路旣設公司派大員督辦則借款  
自應歸公司擔保何以洋人復索 國家代保殊  
屬支離前據盛宣懷呈遞條款謂若借洋款必多  
方要挾須 國家保其本利有著而後可行指爲

難辦之一端該京卿既深慮其難卽不應仍入其  
穀況此路未成及甫成而未獲利時此項洋息從  
何取給豈由 國家代還耶著王文韶張之洞盛  
宣懷再行分晰定議電奏欽此

寄王夔帥 四月十七日 香帥會電

急頃致總署公電請加入比合同第六款若比工司勘  
路之後以爲尙須展限應再定奪實在告竣年期三句  
已令刪去等語共三十六字卽加在印發散票下如前  
電已發卽請電京局加入爲禱

鄂督張香帥來電 六月初五日

蘆漢路秋間確接至通州應請電胡京兆得復卽

電示因湘得胡電未明也陳中丞張道急盼此信

寄津王夔帥鄂張香帥

光緒二十四年三月十二日

總署文電奉 旨粵漢路款著照議訂定其代管字樣

仍著斟酌欽此遵卽電達一面由本署電伍使先畫草

約等因已轉電伍矣

寄華盛頓伍秩庸星使

三月十二日

奉 旨粵路款著訂定代管字樣仍著斟酌欽此五款

照改本局旣與關同須敘明各局應派華監督要回釐  
半奏歸公用至少一釐合同可敘入彙合前電酌定卽

畫草約

伍星使來電

三月十三日

不允代支雜用仍索足五釐昨接譯電飭廷畫約  
今日又再三爭駁一釐亦不允應如何請速示

蘇撫奎樂帥來電

五月三十日

豔二電均悉四明事深荷蓋籌足見力顧大局佩  
甚感甚電請李軍門與飭聶沈赴滬並電署電慶  
均由峴帥詳復不贅聶准明早起行並聞

寄新簡川督奎樂帥

五月三十日

敬賀總制川省大喜常州平糶頃接該守有泰電屬購

愚齋存彙

卷九十九

總補遺

三

思補樓藏版



鄂米二萬石需墊款七八萬兩照蘇州定價每升卅六文須虧折三萬左右譬如放賑可否將聶方伯收回徐海賑銀三萬兩飭發常州府備領由其報銷闔郡同感

寄北京李傅相

五月三十日

俞貝德請詢比使所要核准續約照會總署已照復否因比公司專候費使去電即可付款云乞速賜核辦

寄北京總署

五月三十日

豔電謹悉清江之上決口至九處之多一片汪洋已飭僱民船桅上挂線並添撥學生兩岸設譏接轉頃又轉飭凡要電均用專船接遞馬不能行也

京局馮志先來電

六月十四日

鈔密所呈三路分辨之法緊要寬期互相比較洵  
爲扼要之論並瀝陳曲折艱難各節亦屬實在情  
形惟是作事謀始必須力任其難不辭勞怨方能  
日起有功該大臣膺茲重任務當力持定見與洋  
商堅明約束會同榮祿張之洞迅速籌辦使三路  
聯爲一氣南北相爲啣接提綱挈領無分畛域以  
期剋日觀成毋得意存推諉徒託空言致負委任  
此廷寄大略紫泉默識口授非全文也

寄北京總署

九月十三日

庫倫至恰克圖五百十二里電工已費二十餘萬兩運  
木車價每根十四兩爲大宗庫倫至烏得九百三十里  
木桿已在庫砍齊准烏得至張家口九百十里若在庫  
砍運更遠更費查多倫諾爾所屬圍場有木可採距張  
家口四百五十里分運較易但係官圍無敢私售擬請  
鈞署代奏飭下直隸總督察哈爾都統准由電報局派  
員迅往該處刊用長木一萬根趕於開春分運並飭地  
方官妥爲照料以濟要工可否卽求電示

寄北京馮志先

九月十三日

津鎮事已復署並託竹簣轉達竹十六必到倘勢難阻

止英德合造還是推交總公司與漢商訂立合同庶資  
挹注而杜紛爭

北京總署來電 九月十三日

頃比使來已與述及彼亦以法商出名 國家借  
法款爲不合仍請署電代辦公司係總公司借比  
款應照合同在巴黎簽字等語除電慶使外特聞  
寄總署 十一月初一日

接湘撫豔電稱前接總署支電當派趙守宜琛在岳守  
候接護茲承示期復飭總兵陶廷樸帶弁勇一哨妥護  
又加派蔣郎中德鈞赴岳同送至粵界爲止告示遵當

切實聲敘經發云

寄津督榮中堂

十一月初一日

前呈達道斌會稿如蒙俯准乞速遞寄

寄長沙俞虞帥

十一月初二日

總工程師等初五由水路赴岳香帥派礮船護送此工  
程實因駐美使臣奉 旨訂定合同兩國國家核准在  
前故勘路難緩而造路可緩昨已函牘詳陳乞裁示

津督榮中堂來電

十一月初十日

達道會稿已書行會印寄請分別存案飭發矣

浙撫劉中丞樹堂來電

四月二十九日

溫台路線越山沿海程遠費鉅請作罷論意事易  
了想必確有所見望詳示情形爲盼

京總署許大臣景澄來電

五月初二日

奉廿二電頃始知尊處所發是已亥本譯悉澤鎮  
仍照借款約稿已由署鈔寄粵路事已具陽電誤  
會遲復乞恕

津督裕制軍來電

五月初三日

江蘇候補知縣鄭清濂現經奏調北洋差委奉  
旨允准望卽轉飭該員迅速來津勿延爲要

寄津督裕制軍

五月初四日

鄭清濂總辦漢路工程乞准略緩赴津

愚齋存稿卷第九十九